

Broj: 01-01.3-433-9/17 AZ  
Datum: 14.02.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14), te člana 15. Pravilnika o javnim nabavkama JP "Autoceste FBiH" i preporuke Komisije za javne nabavke konstatirane u Zapisniku o pregledu i ocjeni inicijalne i konačne ponude broj: 01-01.3-433-8/17 AZ od 10.02.2017. godine, v.d. direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

## ODLUKU o izboru najpovoljnijeg ponuđača

I

Ugovor za nabavku radova, u pregovaračkom postupku bez objave obavještenja o nabavci, "Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad" u vrijednosti od **69.877,77 KM** sa uračunatim PDV-om dodjeljuje se ponuđaču "**SIKRA**" d.o.o. Sarajevo koji je podnio prihvatljivu ponudu.

II

Ova odluka će, u skladu sa članom 70. stav (6) Zakona o javnim nabavkama, biti objavljena na internetskoj stranici JP „Autoceste FBiH“ d.o.o. Mostar [www.jpautoceste.ba](http://www.jpautoceste.ba), i to istovremeno s upućivanjem Odluke ponuđaču koji je učestvovao u postupku nabavke.

## O b r a z l o ž e n j e

JP „Autoceste FBiH“ d.o.o. Mostar je u skladu sa Odlukom o nabavci broj: 01-01.3-433/17 AZ od 26.01.2017. godine pokrenulo pregovarački postupak bez objave obavještenja o nabavci u skladu sa članom 21. stav (d) Zakona o javnim nabavkama sa ponuđačem „SIKRA“ d.o.o. Sarajevo.

U skladu sa članom 28. stav (4) Zakona o javnim nabavkama, ugovorni organ je objavio na svojoj internet stranici [www.jpautoceste.ba](http://www.jpautoceste.ba) Odluku o vanplanskoj nabavci u pregovaračkom postupku bez objave obavještenja.

Ponuđač je do termina predviđenog za predaju ponuda dostavio svoju inicijalnu ponudu. Komisija za nabavke, imenovana rješenjem broj 01-01-3-433-3/17 AZ od 07.02.2017. godine, je nakon pregleda i ocjene inicijalne ponude pozvala ponuđača na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da je ponuda prihvatljiva za ugovorni organ i dala prijedlog ugovornom organu da ugovor za nabavku radova: "Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad" u vrijednosti od 69.877,77 KM sa uračunatim PDV-om dodijeli ponuđaču "SIKRA" d.o.o. Sarajevo jer je ponudio prihvatljivu ponudu.



Shodno navedenom ugovorni organ je prihvatio prijedlog Komisije i donio Odluku kao u dispozitivu.

### Pouka o pravnom lijeku:

Protiv ove Odluke može se izjaviti žalba ugovornom organu, u roku od 30 dana od dana objave obavještenja o dodjeli ugovora, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**v.d. izvršni direktor  
za upravljanje i održavanje:**

.....  
**Marin Jelčić, dipl.ing.saob.**

**v.d. direktor:**

.....  
**Adnan Terzić, dipl.ing.**



AD

Broj: 01-01.3-433-8/17 AZ  
Datum: 10.02.2017. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“ br. 90/14) i članom 14. Pravilnika o javnim nabavkama JP „Autoceste FBiH“ d.o.o. Mostar, Komisija dostavlja:

## ZAPISNIK O PREGLEDU I OCJENI INICIJALNE I KONAČNE PONUDE u pregovaračkom postupku bez objave obavještenja o nabavci

- Naziv i sjedište ugovornog organa:** JP „Autoceste FBiH“ d.o.o. Mostar
- Predmet nabavke:** „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“
- Evidencijski broj nabavke:** 01-01.3-433/17 AZ
- Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (d) Zakona o javnim nabavkama („Sl. glasnik BiH“ broj: 39/14) u kojem je navedeno da *„kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojim se opravdava izuzetna hitnost postupka ni u kom slučaju ne smiju se dovesti u vezu s ugovornim organom“*
- Datum početka pregleda i ocjene inicijalne ponude:** 06.02.2017. godine.
- Datum slanja poziva na pregovaranje:** Poziv na pregovore dostavljen je lično Ponuđaču dana 07.02.2017. godine.
- Datum slanja poziva na izmjenu i/ili dopunu inicijalne ponude ili na dostavu konačne ponude:** Na održanim pregovorima dana 08.02.2017. godine, dogovoreno je da ponuđač dostavi konačnu ponudu najkasnije do 10.02.2017. godine.
- Naziv i sjedište svih ponuđača, prema redosljedu zaprimanja inicijalnih ponuda:** „SIKRA“ d.o.o. Sarajevo, sa ponuđenom cijenom 71.164,77 sa uračunatim PDV-om.
- Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

Ponuđač je zbog hitnosti postupka, a na osnovu Poziva upućenog od strane Ugovornog organa dostavio Obrazac za ponudu i Obrazac za cijenu ponude kao svoju inicijalnu ponudu.

Komisija je konstatirala da je ponuda prihvatljiva, odnosno da su dostavljeni Obrazac za ponudu i Obrazac za cijenu ponude ispravno popunjeni.
- Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.



- 12. Analitički prikaz traženih i dostavljenih dokaza tehničke i profesionalne sposobnosti ponuđača:** Nisu traženi dokazi tehničke i profesionalne sposobnosti.
- 13. Prikaz traženih i dostavljenih garancija za ozbiljnost ponude:** Nije tražena garancija.
- 14. Podatke o pojašnjenju inicijalnih i/ili konačnih ponuda:** Nije traženo pojašnjenje.
- 15. Prikaz valjanosti inicijalnih i/ili konačnih ponuda prema obliku, sadržaju i cjelovitosti:**  
 Ponuda ponuđača je:
- Ovjerena i potpisana
  - Dostavljen dokaz o registraciji
- 16. Analizu inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Inicijalna ponuda zadovoljava zahtjev u pogledu opisa predmeta nabavke.
- 17. Podatke o ispravkama računskih grešaka u inicijalnim i/ili konačnim ponudama:** Računskih grešaka nije bilo.
- 18. Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo
- 19. Razlozi za odbijanje inicijalne i/ili konačne ponude zbog neprirodno niske cijene:** Nije primjenjivo.

#### Pregled i ocjena konačne ponude

**20. Datum početka pregleda i ocjene konačne ponude:** 10.02.2017. god.

**21. Analizu prihvatljivih konačnih ponuda prema kriteriju za izbor ponude:**

Ponuđač je, na osnovu održanih pregovora, dostavio konačanu ponudu. Ukupna cijena konačne ponude je: 59.724,59 KM bez PDV-a, odnosno 69.877,77 KM sa uračunatim PDV-om. Ukupna cijena konačne ponude je manja za 1.287,00 KM u odnosu na inicijalnu ponudu.

**22. Rangiranje prihvatljivih konačnih ponuda prema kriteriju za izbor ponude:**

Naziv ponuđača	Cijena bez PDV-a	Popust	PDV (17%)	Ukupna cijena sa PDV-om
1. "SIKRA" d.o.o. Sarajevo	59.724,59	-	10.153,18	69.877,77 KM

**23. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** „SIKRA“ d.o.o. Sarajevo, Antuna Hangija 104, 71000 Sarajevo, ID broj 4200001630001. Ponuđač je dostavio prihvatljivu ponudu.

**24. Podatke o dijelu ugovora koji se daje u podugovor i podatke o podizvođaču:** Ponuđač nije izrazio namjeru podugovaranja.

**25. Podatke o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Nije primjenjivo.



**26. Prijedlog odgovornoj osobi ugovornog organa za donošenje odluke o izboru:**

Shodno gore navedenom predlaže se v.d. direktoru Javnog preduzeća "Autoceste FBiH" d.o.o. Mostar da za nabavku radova „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad “ donese sljedeću odluku:

Ugovor za nabavku radova: "Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad" u vrijednosti od 69.877,77 KM sa uračunatim PDV-om dodjeljuje se ponuđaču "SIKRA" d.o.o. Sarajevo jer je ponudio prihvatljivu ponudu.

**27. Datum završetka postupka pregleda i ocjene konačnih ponuda:** Komisija je završila pregled i ocjenu konačne ponude dana 10.02.2017. godine.

**28. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:**

Članovi komisije:

Lejla Hodžić, predsjednik komisije ..... 

Aida Zeba, član komisije ..... 

Damir Kulenović, član komisije..... 

Za sekretara komisije imenovana je Adila Salčinović.

Prilozi:

1. Kopija zapisnika o vođenju pregovora
2. Zapisnik o zaprimanju ponuda

Saglasan v.d. direktor:

.....  
Adnan Terzić, dipl.ing.



Broj: 01-01.3-433-6/17 AZ  
Datum: 08.02.2017. godine

## ZAPISNIK O PREGOVORIMA

Sastavljen dana 08.02.2017. godine u 08:45 sati u sali JP „Autoceste Federacije BiH“ d.o.o. Mostar, Operativni ured u Sarajevu, Dubrovačka 6, u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku radova: „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“ koji se sprovodi u skladu sa članom 21. stav (d) Zakona o javnim nabavkama („Službeni glasnik BiH“ broj 39/14).

U pregovorima učestvovali:

1. Nedim Stambol, direktor ponuđača „SIKRA“ d.o.o. Sarajevo
2. Lejla Hodžić, predsjednik komisije,
3. Aida Zeba, član komisije,
4. Damir Kulenović, član komisije

Na osnovu člana 21. tačka d) Zakona o javnim nabavkama („Službeni glasnik BiH“ broj 39/14) direktor JP „Autoceste FBiH“ d.o.o. Mostar pokrenulo je pregovarački postupak bez objave obavještenja o javnoj nabavci radova „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“.

Shodno naprijed navedenom Poziv za dostavljanje ponude upućen je ponuđaču „SIKRA“ d.o.o. Sarajevo putem e-maila, a na osnovu Odluke o vanplanskoj nabavci radova „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“, broj 01-01.3-433/17 AZ od 26.02.2017. godine. Zbog hitnosti postupka od ponuđača se zahtjevalo samo da popuni Obrazac za ponudu – Aneks 2 i Obrazac za cijenu ponude Aneks 3.

Ponuđač je uredno dostavio svoju ponudu do zahtjevanog roka, te su pregovori zakazani za 08.02.2017. godine.

Pregovori o nabavci radova „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“ u skladu sa članom 21. stav (d) Zakona o javnim nabavkama vode se između Komisije za javnu nabavku JP „Autoceste Federacije BiH“ d.o.o. Mostar imenovane prema Rješenju broj: 01-01.3-433-3/17 AZ od 07.02.2017. godine i Ponuđača „SIKRA“ d.o.o. Sarajevo, koga predstavlja direktor Nedim Stambol.



1. Komisija za nabavke imenovana Rješenjem broj 01-01.3-433-3/17 od 07.02.2017. godine, je pregledala ponudu u hitnom Pregovaračkom postupku bez objave obavještenja za javnu nabavku radova" u skladu sa članom 21. stav (d) Zakona o javnim nabavkama", te konstatirala da je Ponuđač ispravno popunio dostavljeni Obrazac za cijenu ponude i Obrazac za ponudu.
2. Predsjednik komisije Lejla Hodžić, ukratko je obrazložila razloge za provođenje predmetnog postupka javne nabavke, sa kojim je Ponuđač već bio upoznat, jer su njegovi predstavnici, na poziv Ugovornog organa izašli na lice mjesta (teren) i izvršili detaljni vizuelni pregled, o čemu su dostavili izvještaj i fotografije.
3. Nakon uvoda, razgovaralo se o predmjeru radova, te je konstatirano da je isti urađen korektno, da je kod ovakve vrste radova, odnosno sanacije jako teško obuhvatiti sve moguće radove neophodne za sanaciju, te da ukoliko se ukaže potreba za izvođenjem određenih radova koji nisu obuhvaćeni predmjerom, isti će se izvršiti iz stavke 10% nepredviđeni radovi. Dogovoreno je da se predmjer radova neće mijenjati.
4. Na pitanje oko eventualnog popusta, jer ukupna ponuđena cijena dostavljene ponude prelazi procijenjenu vrijednost nabavke, direktor ponuđača Nedim Stambol je odgovorio da su date cijene minimalne i u skladu sa cijenama u ranijim ugovorima, ali da su spremni na osnovu dosadašnje i buduće saradnje svoju konačnu ponudu dostaviti u okviru procijenjene vrijednosti.
5. Također, dogovoreno je da će se plaćanje vršiti po ispostavljenim situacijama, u roku od 60 (šezdeset) dana od dana zaprimanja iste, uz zadržavanje iznosa od 5%. Garantni rok je 5 (pet) godina za isporučenu i ugrađenu robu i za istu Ponuđač će nakon završetka radova dostaviti Bankovnu garanciju na iznos od 5% od ukupne vrijednosti izvršenih radova 5 (pet) godina od dana završetka radova. Sve ostale pojedinosti će biti definisane Ugovorom o izvođenju radova.
6. Ponuđaču će uz Zapisnik o pregovorima biti dostavljen i Obrazac za konačnu cijenu ponude, te će Ponuđač uz svoju konačnu ponudu dostaviti i Izvod iz sudskog registra, a najkasnije do 10.02.2017. godine.

Nedim Stambol, direktor „SIKRA“ d.o.o. Sarajevo

Lejla Hodžić, predsjednik komisije

Aida Zeba, član komisije

Damir Kulenović član komisije

Za sekretara komisije imenovana je Adila Salčinović.



## ZAPISNIK o zaprimanju ponuda /prilog Zapisniku o otvaranju ponuda/

Broj nabavke: 01-01.3-433/17 AZ

Naziv predmeta nabavke: „Sanacija dilatacione naprave na vijaduktu Bojnik desna strana autoceste na stacionaži km 66+800, dionica autoceste A1 Butila – Sarajevo zapad“

Krajnji rok za dostavljanje ponuda: 10.02.2017.

### SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1	SIKRA d.o.o. Sarajevo	09.02.2017.	14:45	da	ne	

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Salkinović Adis

Sekretar Komisije Salkinović Adis

